

far suo fiol cardinal come è in li capitoli; et che l'è bon servitor di questo Stado et sempre sarà.

Fu posto, per li Consieri, una taia a Marostega, atento sia stà tolto certe biave erano poste in la rocha da certi incogniti. Pertanto sia scritto al podestà di Vicenza debbi dar taia: chi acuserà habbi lire 500, et inteso li delinquenti habbi autorità ponerli in bando di terre et lochi, taia vivi lire 800, morti 500, et chi hayesse notitia di malfactori et non li acusasse, cada in pena di star mexi 6 in prexon, et pagi lire 300. Ave: 110, 0, 0.

343* Fu posto, per i Savii del Conseio, terra ferma et ordeni, che hessendo venuto a notitia di la Signoria nostra, che 'l capitano di Alexandria di le galie è per far discargar a Corfù le mercadantie, le qual discargandole potriano divertir altrove con danno di la terra et di dazii nostri, pertanto sia scritto al ditto Capitano che 'l debbi venir di longo qui et se discarghi in li magazeni sotto bolla tutte mercadantie obligate a muda, et eussi altre specie che si levasseno per esso a Corfù. Et fo cazado li parenti di Patroni et partionevoli di le galie et quelli hanno specie suso. Et fu presa. Ave: 145, 10, 1.

Fu posto, per li savii del Conseio et terra ferma *excepto* sier Gabriel Moro el cavalier savio a terra ferma, una lettera a sier Piero da chà da Pexaro procurator, orator a Lutrech, da poi lecto una lettera scritta di Ancona per il cardinal di Ancona a la Signoria nostra, per la qual scrive non si voler trovar de lì in questi travagli et voria venir a star o a Venezia o a Ferara, et venir per transito al suo episcopato di Ravenna dove non è stato poi è stà creato arziepiscopo di ditta città etc.; pertanto li comettemo, che zonto el sii in Ancona debbi dir a soa reverendissima signoria, nui semo ben contenti di darli ogni comodità et di galia et di quello el vuol, et honorarlo venendo in questa terra; ma a Ravenna per bon rispetto pregemo sua magnificentia non voglii per adesso far quella via.

Et sier Gabriel Moro el cavalier vol se digi, che *etiam* a Ravenna el pol venir per l'amor portamo a sua signoria reverendissima.

Et parlò sier Gabriel Moro primo, che non se dia negar di andar un episcopo al suo vescoado, eh' è far irritar lui et il Pontefice contra di nui etc.

Et li rispose sier Filippo Capelo savio a terra ferma. Andò la parte: 11 non sincere, 19 di no, 67 del Moro, 98 di Savii. Et questa fu presa di una balota.

Da poi fo mandà zoso quei non melevano balota, per far election di do Patroni di fuste.

Diarii di M. SANUTO. — Tom. XLVI.

Fu posto, per i savii del Conseio et terra ferma 344 *excepto* sier Lunardo Emo, come ritrovandosi in raxa sier Jacomo Corner cassier per invaliditudine di la persona, et non pol atender a l'oficio et ha mandato a rechieder si fazi in loco suo acciò le cose di la Signoria nostra non patissa, pertanto sia preso, che *de praesenti* per scurtinio sia lecto uno Cassier di Collegio in loco suo, con tutti li modi et condition el dicto fu electo; et con altre parole, *ut in parte*. Ave: 121, 23, 0. Fu presa.

Election di do Patroni di le fuste, iusta la parte presa in questo Conseio.

Sier Hironimo Barbarigo qu. sier Bernardo fo del Serenissimo.	62.122
Sier Piero Vituri fo soracomito, qu. sier Renier	86.103
Sier Anzolo Michiel di sier Nicolò el dotor	69.113
Sier Agustin da Canal fo proveditor a Roman, qu. sier Polo.	84.105
Sier Jacomo Marzello fo patron a Baruto qu. sier Piero	67.115
Sier Francesco Boldù fo vicesoracomito, qu. sier Hironimo	85.100
Sier Marco Balbi fo soracomito, qu. sier Zuane	66.124
Sier Piero Capello, qu. sier Francesco el cavalier	79.104
Sier Zuan Barbo fo XL Zivil, di sier Alvixe.	76.112
Sier Marin Malipiero fo podestà in Albona, qu. sier Piero	89. 99
Sier Nicolò Querini fo viceretor a Schiros, qu. sier Andrea	69.119
Sier Zacaria Barbaro fo vicesoracomito, di sier Daniel	71.119
Sier Lunardo Loredan fo conte a Puola, qu. sier Berti	93. 96
Sier Zuan Francesco Donado qu. sier Hironimo dotor, qu. sier Antonio el cavalier	56.127
Sier Zuan Zane fo podestà a Humago, qu. sier Alvise	69.133
Sier Anzolo Alberto fo nobele in Fian-dra, qu. sier Jacomo	80.110
Sier Francesco Pixani qu. sier Antonio, fo ai XX Savii	65.127
Sier Davit Bembo qu. sier Alvise da Santa Maria Nova.	92. 95